

QVÆSTIO MEDICA.
QVOD LIBETARIIS EXCVTIENDA DISPVATIONIBVS
IN SCHOLIS MEDICORVM, DIE IQVIS X. DECEMBRIS D. ANTONIO
DE CAPPE DOCTORE MEDICO REGIO, MODERATORE.

An solis alexiteriis venenati morbi oppugnantur?

TRIPlicis substantiæ corporis humani solidæ, humide, & spirituosæ, perenne effluuium triplici alimento cibo, potu, & aëre, reparari debet hæc si semel à naturali constitutione deturbetur varias morborum species procreat. aëri ambiendi (cuius commercium nemo effugere potest) putredini obnoxio, vis efficacior immutandis corporibus quam alimentis inest: qui quancunque mutationem subierit, siue ab inferioribus, siue à superioribus (quæ luce motu & occulto influxu in nos agunt) inspiratione attractus eam cordi communicat.

CIBI ac potus ope (quæ vitæ valetudinisquæ præsidia sunt) vtriusque substantiæ iactura probè refarcitur: dum alimenta, substantia, copia, qualitate, vtendi modo, & occasione non peccant: accedente etiam bona corporis temperie: sin secus cacochymiam & obstructionem pariunt, febrium fere omnium causam (si pestilentes excipias, quæ nunquam absque aëris corruptione accidunt) ex obstructione, temperie sensim dissoluta, natiuæque calore ab extraneo cuius, putredo oritur: si summa, morbos venenatos: alexiteriis maxime oppugnandos progignit: cuiusmodi affectibus raro atrabilarij, vt neque idea melancholici, sæpius sanguinei corripuntur.

VENENATI morbi similis affectus primaria perpetuæque sedes affecta cor est: quod quidem licet à natura egregiam naatum sit constitutionem, noxam tamen lethalis epoti veneni seu inus corruptione geniti effugere vix potest. calida venena qualitate deleteria, frigida sola quantitate, omnia toto genere præter naturam sunt: hæc citius corpus calidum quam frigidum interimunt, illa vero corrodenso & putrefaciendo non aliter quam summè vitati humores substantiam nostram corrumpunt: deteriora existunt quæ ex femine quam quæ ex menstruo retento: ex materia aliæ tali excrementitiâ: quo potentiora, eo peiora: vt occulta qualitate, manifesta agentibus: calida frigidis, vaporosa contenta substantia, aqueis, aquea, terrestri constantibus.

AT vero venena qualitatibus corporeæ ministerio, vario symptomatum cruciatu vitæ principium confertim demoliendo, fatigare solent: qualitate occulta agentia, proprietatē cordis laesificant: vnde palpitationes, decidetia pulsus, syncope accidunt: manifesta eius temperamentum: quæ si calida, æger feruorē in capite sentit, siti inextinguibili afficitur, & corpus tactui calidum apparet: peiora si insignis ad sit ventriculi dolor: pessima cum corpus graui & iniucundo odore afficitur: frigida è somno profundo cognoscuntur. Intus autem geniti signa sunt si nonnulli nullo præcedente morbo repente non secus quam ab epoto veneno pereant.

RESIDIORVM materiam, Chirurgia, Pharmacia, & diætā complent: venæ sectio in calidis venenis, non autem frigidis locum habet. cauteria ante & post venenum probantur. vomitorium hydrelæum in quocumque veneno plurimum confert, inmixtis semper alexiteriis quibus roborata natura materiam veneficam citius expellere possit. purgantibus non debet inmisceri theriaca, quæ cum pipere & sinapi calidior existat, in febre pestilenti & venenis calidis noxia creditur. quod ad diætā attinet: aër in primis suauibus odoribus alterandus: victus quoque paulo vberior concedendus.

Non ergo solis alexiteriis venenati morbi oppugnantur?

Proponebat Stephanus Gorion Parisinus, 1599.



DOMINI DOCTORES DISPVATVRI.

Mag. Germanus Clerfeliier.
Mag. Robertus le Secq.
Mag. Ricardus Mercus.

Mag. Hieronymus Tacquet.
Mag. Georgius Cornuti.
Mag. Ioannes le Moynes.

Mag. Guillelmus Luffon Med. Reg.
Mag. Ægidius Heron.
Mag. Ioannes Beauchefne.